

曾文正公書札卷十

致羅澹邨中丞

頃接湖南咨文蕭浚川一軍因貴州撫軍奏石達開已入黔境
連營二百里諭旨恐其入蜀飭蕭公追剿石逆一股駢中丞
因令赴黔蜀之交迎剿此軍自是不能東來矣小池驛三軍與
賊大戰互有勝負計年內尚有幾次惡戰太湖城外萬人宿松
四千人皆作援應之師以備意外之虞珂鄉耆舊可出而相助
者便中望開軍示及爲荷

覆胡宮保

廿二日之戰多營傷亡六百餘鮑營傷亡五百餘蔣營傷亡三

百餘人馬隊西哈兩營總陣亡皆好手也賊鋒甚銳毛匪之陳
玉成捻匪之宮瞎子皆江北著名兩悍賊楚軍入皖多鮑之善
戰閣下之威名人數之多虛聲之遠皆所以怠我而怒寇鄙意
欲令前敵諸軍堅壁勿戰稍稍冷賊之凶燄而減其銳氣恐言
之不見信尙未函商也閣下如以爲然可否函告多鮑諸公我
軍不必去撲賊營待賊來撲我堅忍不出直至日暮人倦然後
擊其情歸或有當乎如能從此計敝處當再派二千人紮於小
池驛之東南與鮑蔣二軍作倒品字形以保其後路也若多鮑
急於求戰則此閒不敢再派人去恐營壘未定日日接仗無益
而反有損耳

覆李次青

貴邑忠義祠侯詳文到日卽當具奏列入祀典沛先歆後有自來矣國藩自冬月十三移師皖境駐紮宿松卽聞四眼狗上援之耗臘月中旬狗逆果遂西來實有悍賊五萬餘人日內萬分吃緊蕭浚川奉旨追剿石逆當有入蜀之行凱章亦乞假未來就現在之營派六千人進圍太湖爲前敵多鮑諸軍之聲援自率四千人者駐紮宿松實乏得力之將稱意之營胡潤帥駐軍英山亦以希菴假歸尙無統將羅澹村中丞請閣下赴浙亦有一緘來商國藩答以代爲催促不敢必其果往今閣下慨然有意東游應請速卽命駕或單車之官或板輿偕往或取徑義

甯卽赴河口或買舟大江經過敝營并祈示悉溫嶠絕裾君子
或譏其忍毛義捧檄仁者必亮其心固不嗛然也宿松去湖口
百里去武穴隆平百三十里如其揚舲東下枉過敝營亦不甚
遠或更迂道英山一訪潤帥亦足大慰彼此飢渴之誠何如

覆唐義渠

貴軍以距法華寺太遠不能分紮正東鮑軍舊壘則城賊偷出
夾擊蔣鮑兩軍乃意中必有之事可慮之至胡中丞札蔣軍移
駐小池驛一帶頃接鮑公信言蔣不願移此時以救全鮑軍爲
第一要著鄙意由宿松再派二千五百人赴太填紮閣下現在
北門營壘請閣下率全軍七營進駐小池驛龍家涼亭之間與

鮑軍作品字形鮑蔣面向潛山貴軍面向太湖專禦城內之賊
打仗之時賊不得抄鮑之尾諺所謂靠背打也如此庶可保全
前敵三軍如閣下欣然行之則此間各營初二日拔行初三早
到太湖貴軍卽於初三日拔赴小池驛想閣下新練勁旅必可
立奏大勳矣

致駱籥門中丞

太湖多鮑蔣三軍於臘月十六移駐小池驛龍家涼亭等處二
十二日之仗我軍先大勝而後小挫傷亡共約千三百人二十
六日賊圍鮑之左營二十八九則五營用大包裹文報不通已
三日矣多營在新倉隔二十餘里蔣營隔七里皆以力薄不能

救應危急之至敝處雖有萬人多新立之營又無統領兩次共撥八千六百人進紮太湖僅能圍賊之半城兼以顧鄂之邊界不能援應前敵亦不能遏城賊之東出也萬一前敵有失大局不堪設想茲特飛告敬求閣下於浚川凱章二軍催一來鄂浚川將入蜀中凱章假期未滿明知俱難應手惟求閣下設法遣一軍來雖不能救潛太之急但能抵漢黃爲救敗之著則兩湖之幸也

覆胡宮保

公派二十營從高橫嶺山內打出可收內外夾攻之效但水吼嶺等處易進難退須由迤西迤北斜出庶易通小池驛之氣

二十九日蔣營出隊雖不甚分勝負然賊亦略弛鮑軍之圍鮑之左營得趁此機以運進水米子藥可云至幸然已被圍四日矣多公派精選前營往換霆左營不知果已換出否霆左營營官爲誰援賊果卻必求我公以生龍活虎之筆超保之鮑鎮亦須特保

舍弟請赴太湖侍昨夜已允許矣蓋因太湖近九千人若另有一人坐鎮則朱品隆可帶隊助前敵也今公旣派萬人來助小池驛則太湖一軍可安坐不動舍弟可無庸赴太湖矣

覆胡宮保

金余內外會攻之說實不易易記得塔羅破半壁山時楊彭紮

釣魚臺東距陸營僅四十餘里三日不能通一信雪琴在吳城
時約厚菴同攻湖口亦屢約不能如期此賊之多且悍又遠過
秦曰綱輩也鄙意金余之師請閣下囑其擇要駐紮一出水吼
嶺賊必設法尋金余開仗金余營盤果立於不敗之地則山外
各軍自有可以破賊之理以余金爲堅立營壘致賊而不致於
賊之師以唐道爲幫鮑蔣顧老營防鈔後之師以多鮑蔣三軍
爲進剿之師三者各有專職各足自立不必約期會戰如彼此
開仗恰值同日則天緣湊泊幸也若不值同日亦自無礙不約
期則各自進止毫無牽掣約期則彼此牽制反恐誤事國藩擬
以此意商之唐蔣二公閣下若以爲然則請告之金余總以自

立不敗爲主不可靠山外之援應也

致鮑春霆

蕭以德歸備述前敵形勢寸心少慰來緘所陳一切當卽批復
聞四眼狗性情輕躁不能耐久我軍宜以堅忍勝之四眼狗糾
集捻匪而來捻匪向來不服長毛約束其交可暫而不可久此
時貴軍但求穩固不求奇功如能堅持半月二旬外必破賊矣
覆胡宮保

初六之役唐軍又挫鄙意此次髮之陳玉成李壽成捻之宮張
四凶同來諸將才力氣魄皆不足以勝之總須穩紮堅守爲妥
金余一軍宜負山以自固不宜全出嶺外有舒公馬隊則可以

出平原伏祈採擇施行

與李申夫

抽隊出赴前敵打仗之法三千人營中抽出六成約千八百人分寄鮑蔣兩壘之中蔣軍八牆可寄千二百人鮑軍中前右三牆可寄六百人或盡寄蔣軍牆中亦可遇開仗時我千八百人單打一路蔣軍牆內添鍋帳而不另築牆子請蔣之長夫代我軍煮飯我只送米價菜價與他不必另帶長夫也下半日去燈時至蔣營次日停住一日第三日晨飯後歸下半日又另派千八百人去第四日停住一日第五日晨飯後歸如是輪流率以爲常遇打仗時則隨同打仗不遇開仗則閑往閑歸聊代哨

探既可援助前敵又可使我軍學習戰事免致猝遇大敵忙然無措也

與李申夫

昨日批朱總兵稟三策一策抽隊寄住蔣營打行仗一策紮東門一策抽隊出東北羅溪河馬齒嶺等處迎接山內金余之師除紮東門一策難行外其寄蔣營打行仗之策以必行爲妙其迎接金余之策縱不能行亦須多派安人往通消息高連勝等往小池驛哨探甚好可令順字營百五十騎并湘前強中嘉營五十騎常常哨探此路實有大益

致凌問樵

聞貴營今日移紮羅溪河前在宿松近在太湖貴營濠牆皆備極辛勤高出各營之上茲又移一處勇夫過於勞苦實可憐念茲發去錢四十千以備雇民夫幫工之用羅溪聞在太湖河東與太湖各軍有一水之隔該處三營究竟站得住否此外尙有他處有險可扼距護軍稍近者否祈查明詳復

與胡宮保

侍意此時各軍皆以穩字爲主多鮑唐蔣穩金余穩太湖穩自有足以勝賊之理髮捻相合其交斷不能久一月以後可以掎角此寇矣公謂何如

致金逸亭

前敵鮑軍雖望閣下之救甚切然糧路尙通士氣尙固閣下行軍總望以穩字爲主先通羅溪河一軍及太湖各軍之氣然後向小池驛一路進紮步步逼近待賊來撲我我乃起而應之最

有把握若我去撲賊主客異勢恐難得手至蔣函欲分一軍紮水吼嶺弟意以爲不可分又欲閣下軍出羅溪河等處弟意以爲不如紮高橫嶺去鮑軍較近也

再捲塘進紮之法如第一日將二十營同紮一處必有數營在前者數營在後者第二日進紮卽以昨日之後五營進移於前四五里其餘十五營不動第三日又以昨日之後五營進移於前四五里其餘十五營不動以次倒換而進則無移營之迹無

一面築壘一面開仗之勞以次逼近王家牌樓銀硃塔等處小池驛之賊必來撲營賊爲客而我爲主乃易得手是否有當乞酌擇施行

覆胡宮保

十一日金軍獲勝後羅溪實已無虞山內一軍其妙無窮腦後一鍼百病皆除但此後仍當以穩字爲主不可過求速效金余已得地勢斷無不破賊之理第不可疏耳趙朱仍請紮太湖俾朱品隆等得以放心久駐新倉助打行仗

致胡宮保

宿松派打行仗之三營昨日可抵新倉太湖朱品隆等四營今

曰可抵新倉計一二日可見仗矣此間議者有急戰緩戰二策

請陳左右擇一而行之

一急戰策山外山內各軍逐日進攻使賊腹背受敵應接不暇

太湖官軍亦出隊攻城使城賊不敢悉出以赴前敵

一緩戰策山外四軍但積糧固壘爲自守計山內諸軍步步偏

紮卻不尋賊開仗太湖四面高山僅西南一口出水於此口築

壩長不過里許高不過四丈久不過一月則積水三丈全城皆

淹沒矣二月以後城賊援賊必日夜求與我戰我卻固守偏不

與之戰此策果行援賊縱不大破城賊必無漏網

右二策鄙意目下急戰五日用前策過五日而援賊不退卽用

後策可否敬求詳示

覆毛寄雲

弟自冬月駐軍黃梅進紮宿松臘月中旬逆酋四眼狗糾合捻
首宮瞎子悉力上犯前敵多鮑蔣三軍進紮太湖前四十里之
小池驛禦之於門外弟撥六千人會合唐義渠軍仍圍太城賊
多數倍於我以大圍包裹鮑軍弟續撥二千七百人進圍太城
抽出義渠一軍並赴小池驛初六之戰義渠挫衄三營被陷鮑
軍復被圍緊急潤帥派金逸亭余會亭從水吼嶺山內打出十
一日大獲勝仗鮑軍從此少鬆弟又添派二千五百人往打行
仗日內必有數大惡戰不知能大挫凶鋒否較之臘底正初之